

# 卷四

書名 [唐詩品彙九十卷]拾遺十卷 嘉靖十六年序刊本  
 撰者 明 高棟 輯  
 卷 卷四  
 內容分類 集-總集-各代-唐  
 索書號 集部-總集-35  
 編號 D7841100

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才  
 彼之管絃為功成慶善樂名九功之舞

丘唯舊跡豐邑乃前基  
 粵子承累聖縣弧亦在茲

際逢運改提劍鬱匡時  
 指麾八荒定懷柔萬國夷

盛入款駕海亦來思  
 單于陪武帳日逐衛文螭

竚奉朝四岳無為任百司  
 霜節明秋景輕冰結水湄

張子容 裴迪 王維 王昌齡 高適

錢起 韋應物 劉長卿 秦係 皇甫曾

李嘉祐 釋皎然 釋靈一 包佶 司空曙

韓翃 顧況 徐凝 李正封 李益 劉商

武元衡 張仲素 令狐楚 韓愈 李涉

劉禹錫 張籍 楊巨源 呂溫 李賀

劉言史 陳羽 歐陽詹 沈亞之 杜牧

許渾 趙嘏 陳陶 溫庭筠 周朴 吳融

王駕 韋莊 王貞白 江為 樂府 盧貞

王周

集拾遺卷之四

絕句

陳叔達 一首

初年

和風起天路嚴氣消冰井索索枝未柔厭厭漏猶永

郭振 三首

昭君怨

聞有南河信傳言殺盡師始知君念重復遣盡蛾眉

子夜秋歌

邀歡空佇立望美頻迴顧何時復採菱江中密相遇

子夜冬歌



北極嚴氣昇南至溫風謝調絲競短歌拂枕憐長夜  
已上初唐之詩

孟浩然一首

醉後贈高四

四海重然諾吾嘗聞白眉秦城遊俠客相待半酣時

裴迪一首

輞口遇雨憶終南山因獻絕句

積雨晦空曲平沙滅浮彩輞水去悠悠南山復何在

崔顥一首

長干曲

三江湖水急五湖風浪涌由來花性輕莫畏蓮舟重

王昌齡一首

題灞池

開門望長川薄莫見漁者借問白頭翁垂綸幾年也

崔國輔三首

襄陽曲

蕙草嬌紅萼時光舞碧雞城中羨年少相見白銅鞮

又

少年襄陽地來往襄陽城城中輕薄子知妾解秦箏

子夜冬歌

寂寥抱冬心裁羅文聚聚夜久頻挑燈霜寒剪刀冷

高適二首



閑居

柳色驚心事春風厭索居方知一杯酒猶勝百家書

封丘作

州縣才難適雲山道欲窮揣摩慚黠吏棲隱謝愚公

岑參 四首

尚書念舊禹賜袍衣率題絕句獻上申謝

富貴情還在相逢豈間然綈袍更有贈猶荷故人憐

題井陘雙溪李道士所居

五粒松花酒雙溪道士家唯求縮却地鄉路吳教賒

題雲際南峰眼上人讀經堂眼公不下此堂十五年矣

結宇題三藏梵香老一峰雲間獨坐卧紙是對杉松

經隴頭分水

隴水何年有潺潺逼路傍東西流不歇曾斷幾人腸

已上係盛唐之詩

錢起

江行無題首十三

自念平生意曾期一郡符可知因謫宦班鬢入江湖

睡穩葉舟輕風微浪不驚任君蘆葦岸終夜動秋聲

見底高秋水開懷萬里天旅吟還有伴沙柳數枝蟬

土曠深耕少江平遠釣多生平皆棄本金革竟如何

白帝朝驚浪陽臺暮映雲等閑生險易世路祗如君

近戍離金落孤岑望火門唯將知命意瀟洒向乾坤



江草何多思，冬青尚滿洲。誰能驚鵬鳥，作賦為沙鷗。  
幸有烟波興，寧辭筆硯勞。緣情無怨刺，却似反離騷。  
沙上獨行時，吟高到楚祠。難將垂岸蓼，盈把當江離。  
柳拂斜陽路，籬邊數戶村。可能還有意，不捨向江門。  
不識相如渴，徒吟子美詩。江清惟獨看，心外更誰知。  
佳節雖逢菊，浮生正似萍。故山何處望，荒岸小長亭。  
夜江清未曉，徒惜月光沉。不是因行樂，堪傷老大心。

石上苔

淨與溪色連，幽宜松雨滴。誰知古石上，不染世人跡。

東陂

一作憶  
皇子陂

永日興難忘，撥芳春陂曲。新晴花枝下，愛此苔水綠。

韋應物七首

荅李潛三首

孤客逢春暮，緘情寄舊遊。海隅人使遠，書到洛陽秋。

二

馬卿猶有癖，漁父自無家。想子今何處，扁舟隱荻花。

三

林中觀易罷，溪上對鷗閑。楚俗饒辭客，何人最往還。

荅王卿送別

去馬嘶春草，歸人立夕陽。元知數日別，要使兩情傷。

詠春雪

徘徊輕雪意，似惜艷陽時。不悟風花冷，翻令梅柳遲。



詠水晶

映物隨顏色含空無表裏持來向明月的皦愁成水

詠夜

明從何處去暗從何處來但覺年年老半是此中催

皇甫冉 三首

春草

草徧潁陽山花開武陵水春色既已同人心亦相似

酬李判官度黎嶺見寄

隴首怨西征嶺南鴈北顧行人與流水共向閩中去

病中對石竹花

散點空堦下閑凝細雨中那能久相伴嗟尔帶秋風

李端 一首

觀隣老栽松

雖過老人宅不鮮老人心何事殘陽裏栽松欲待陰

載叔倫 一首

勸陸三

寒郊好天氣勸酒莫辭頻擾擾鍾陵市無窮不醉人

張仲素 六首

宮中樂

江果瑤池實金盤露井冰甘泉將避暑臺殿曉光凝

春遊曲 三首

烟柳飛輕絮風榆落小錢濛濛百花裏羅綺競秋千



騁望登香閣爭高下砌臺林間踏青去席上意錢來

三

行樂三春節林林百和香當年重意氣先占闢鷄場

春江曲 二首

家寄征江岸征人幾歲遊不知潮水信每日到沙頭

二

乘曉南湖上寒差疊浪橫前洲在何處霧裏鴈嚶嚶

令狐楚 二首

遠別離

楊柳黃金穗梧桐碧玉枝春來消息斷早晚是歸時

玳織鴛鴦覆金裝翡翠簪畏人相問著不擬到城南

已上係中唐之詩

李賀 五首

莫種樹

園中莫種樹種樹四時愁獨睡南牀月今秋似去秋

馬

大漠沙如雪燕山月似鉤何當金絡腦快走踏清秋

二

香撲赭羅新盤龍蹙錦鱗迴看南陌上誰道不逢春

二

忽憶周天子驅車上玉山鳴騶受鳳苑赤驥敢承恩

四

催榜渡江東神駢泣向風五王今解劍何處逐英雄

張籍一首

禪師

獨在西峯頂年年閉石房定中無弟子人到為焚香

劉禹錫一首

淮陰行

今日轉船頭金烏指西北烟波與春草千里同一色

楊巨源一首

題范陽金臺驛

唯求客千金遂築臺若令逢聖代憔悴郭生回

白居易二首

庾樓歲旦

歲時銷旅貌風景觸鄉愁牢落江湖意新年上庾樓

微之敦詩悔步相次淪逝歸然自傷

長夜君先去殘年我幾何秋風滿衫淚泉下故人多

張祐一首

讀曲歌

不見心相許徒云脚漫勤摘荷空摘葉是底採蓮人

陸龜蒙一首

子夜秋歌



涼漢清沈寥衰林愁風雨愁聽絡緯吟似與羈魂語

李暇一首

楚調曲

何處期即遊小苑花臺間相憶不可見且復乘月還

薛維翰二首

古歌

美人怨何深含情倚金閣不頻復不語紅淚雙雙落

二

美人閉紅燭獨坐裁新錦頻放剪刀聲夜寒知未暖

已上係晚唐之詩

山中客一首

別酒主人

酒盡君莫沽壺乾我當發城市多囂塵還山弄明月

樂府四首

甘州

欲使傳消息空書意不任寄君明月鏡偏照故人心

後漢曲

昨見春條綠那知秋葉黃蟬聲猶未斷塞鴈已成行

二

金谷園中柳春來自舞腰那堪好風景獨上洛陽橋

三

何處堪愁思花間長樂宮君王不重客泣淚向東風

已上詩無名氏世次可考

七言絕句

崔敏重一首

宴城東莊

一年又過一年春百歲曾無百歲人能向花中幾回  
醉十千沽酒莫辭貧一作頻

崔惠一首

奉和同前

一月主人笑幾回相逢相值且啣杯眼看春色如流  
水今日殘花昨日開

杜審言一首

戲贈趙使君美人

紅粉青蛾映楚雲桃花馬上石榴裙羅敷獨向東方  
去謂學他家作使君

沈佺期一首

上巳日袂渭濱

窈只馬香車清渭濱紅桃綠柳袂堂春春皇情尚憶禹年  
佐天祚先呈捧劍人

韋嗣立一首

奉和同前

乘春袂襖逐風光色躡陪鸞渭渚傍還笑當時水濱  
老衰年八十待文王





蘇頌一首

侍宴桃花園詠桃花應制

桃夭灼灼有光輝  
無數成蹊點更飛  
為見芳林含笑  
侍遂同温樹不言歸

李义一首

奉和同前

綺華成蹊遍  
籜芳紅英撲地滿  
筵香莫將秋宴傳  
王母來比春華壽聖皇

宋之問一首

傷曹娘

前溪妙舞今應盡  
子夜新歌遂不傳  
無復綺羅嬌白

武平一一首

錢唐永昌

聞君墨綬出丹墀  
鸞鳥飛來佇有期  
寄謝銅街攀柳  
日無忘粉署握蘭時

已上係初唐之詩

孟浩然一首

送張少府歸秦

試登秦嶺望秦川  
遙憶青門春可憐  
仲月送君從此  
去他時須及邵平田

張子容一首

巫山

巫嶺峯巖天際重佳期宿昔願相從朝雲暮雨連天  
暗神女知來第幾峯

裴迪 一首

與盧員外象過崔處士顛宗林亭

喬柯門裏自成陰散髮空窓曾不簪逍遙且喜從吾  
事榮寵從來非我心

王維 二首

少年行

一身能擘兩彫弧虜騎千重只似無偏坐金鞍調白  
羽紛紛射殺五單于

歡白髮

君若朱顏成暮齒須臾白髮變垂髻一生幾許傷心  
事不向空門何處銷

王昌齡 三首

長信秋詞

高殿秋砧響夜闌霜深猶憶御衣寒銀燈青瑣裁縫  
歌還向金城明主看

從軍行

關城榆葉早踈黃日暮雲沙古戰場表請迴軍掩塵  
骨莫教兵士哭龍荒

別皇甫五



淑浦潭陽隔楚山，離樽不用起愁顏。  
明祠靈纓期昭應，天澤俱從此路還。

高適 二首

九曲詞

許國從來徹廟堂，連年不為在壇場。  
將軍天上封侯印，御史臺中異姓王。

二

萬騎爭歌楊柳春，千場對舞繡旗麟。  
到處盡逢歡洽事，相看總是太平人。

已上係盛唐之詩

錢起 三首

同王員外隴城絕句

三軍版築脫金刀，黎庶翻慚將士勞。  
不憶新城連嶂起，唯驚畫角入雲高。

晚歸嚴明府題門

降士林霑蕙草寒，弦驚翰苑失鴛鴦。  
秋中迴首君門阻，馬上應歌行路難。

故王維右丞堂前芍藥花開，悽然感懷

芍藥花開出舊欄，春衫掩淚再來看。  
主人不在花長在，更勝青松守歲寒。

韋應物 三首

酬柳郎中春日歸揚州南國見別之作

廣陵三月花正開花裏逢君醉一廻南北相遇殊不  
遠暮潮歸去早潮來

閑居寄諸弟

秋草生庭白露時故園諸弟益相思盡日高齋無一  
事芭蕉葉上自題詩

與村老對飲

鬢眉雪色猶嗜酒言辭淳朴古人風鄉村年少由離  
亂見話先朝如夢中

劉長卿

春日宴魏萬成湘水亭

何年家住此江濱幾度門前北渚春白髮亂生相顧

老蒼鷺自語豈知人

秦系一首

即事奉聖章郎中使君時系試秘書省校書郎

久卧雲間已息機青袍忽着狎鷗飛詩興到來無一  
事郡中今有謝玄暉

皇甫曾一首

酬竇拾遺秋日見呈時此公自江陰令除諫官

孤城永巷時相見衰柳閑門日半斜欲送近臣朝魏  
闕猶憐殘菊在陶家

李嘉祐一首

題道虔上人竹居



詩思禪心共竹閑任它流水到人間手持如意高窓裏斜日江邊千萬山

釋皎然 二首

塞下曲

寒塞無因見落梅胡人吹入笛散來勞勞亭上春應度夜夜城南戰未回

都護今年破武威胡沙萬里鳥空飛旄干瀚海掃雲出羶騎天山踏雪歸

釋靈一 一首

宿靜林寺

山寺門前多古松谿行欲到已關門鐘中宵引鐘尋高

頂月照雲峯凡幾重

包佶 一首

再過金陵

玉樹歌終王氣收鴈行高送石城秋江山不管興亡事一任斜陽伴客愁

司空曙 一首

送鄭信歸洛陽

蒼蒼楚色水雲間一醉春風送爾還何處鄉心是堪羨汝南初見洛陽山

韓翃 二首

少年行

千點漏闌玉勒駉青絲結尾繡纏髻揮鞭曉出章臺  
路葉葉春衣楊柳風

寄裴鄆州

烏紗靈壽對秋風  
悵望浮雲濟水東  
官樹陰陰鈴閣  
暮州人轉憶白頭翁

頽况 三首

竹枝辭

帝子蒼梧不復歸  
洞庭葉下楚雲飛  
巴人夜唱竹枝  
後腸斷曉猿聲漸稀

貽朱放

野客歸時無四隣  
黔婁別久素常貧  
漁樵舊路不堪

灰空山猶有人

送柳宣城葬

鳴笳已逐春風咽  
疋馬猶依舊路嘶  
遙望柳家門外  
樹恐聞黃鳥向人啼

徐巖 一首

宿列上人房

浮生不定若蓬飄  
林下真僧偶見招  
覺後始知身是  
夢更聞寒雨滴芭蕉

李正封 一首

禪門寺暮鐘

篋篋高懸于闕鐘  
黃昏發地殷龍宮  
遊人憶到嵩山



夜壘閣連樓滿太空

李益 一首

上黃堆峯 集作峯堆

心期紫閣山中月身過黃堆峯 集作峯堆 上雲年髮已從

書劍老戎衣更逐霍將軍

劉商 一首

滑州送人先歸

河水冰消鴈北飛寒衣未足又春衣自憐漂蕩經年

客送別千迴獨未歸

武元衡 一首

嘉陵驛

悠悠風旆遶山川山驛空濛雨作烟路半嘉陵

白蜀門西更上青天

張仲素 二首

塞下曲

朔雪飄飄開鴈門平沙歷亂卷蓬根功名耻計擒生

數直斬樓蘭報國恩

隴水瀟瀟隴樹秋征人到此淚双流鄉關萬里無因

見西戍河源早晚休

令狐楚 一首

塞下曲

邊草蕭條塞馬飛征人南望盡沾衣黃塵滿面長須

戰白髮全頭未得歸

韓愈二首

湘中 此詩謂屈原也

猿愁魚涌水翻波自古流傳是汨羅  
蘋藻滿盤無處奠空聞漁父扣舷歌

題西林寺故蕭即中舊堂公有女為尼在

江州

中郎有女能傳業伯道無兒可保家  
偶到匡山曾住處幾行衰淚落烟霞

已上係中唐之詩

李涉三首

竹枝歌

荆門灘急水潺潺兩岸猿啼烟浦山渡頭  
年少應官去月落西陵望不還

巫峽雲開神女祠綠潭紅樹影參差  
下牢戍口初相問無義灘頭剩別離

石壁千重樹萬重白雲斜掩碧芙蓉  
昭君溪上年年月獨自嬋娟色最濃

劉禹錫三首

竹枝歌

江上朱樓新雨晴  
灤西春水穀文生  
橋東橋西好楊柳  
人來人去唱歌行



巫峽蒼蒼烟雨時清猿啼在最高枝箇裏愁人腸自  
斷由來不是此般悲  
城西門前滢瀨堆年年波浪不能摧懊惱人心不如  
石少時東去復西來

張籍八首

春日早朝

曉陌春寒朝騎來瑞雲深處見樓臺夜來新雨沙墀  
濕東上閣門應未開

寄宋景

詔發官兵取亂臣將軍弓箭不離身君今獨在征東  
府莫遣功名屬別人

使行望悟真寺

採玉峰連佛寺幽高高斜對驛門樓無端來去騎官  
馬寸步教身不得遊

重陽日至峽道

無限青山行已盡迴看忽覺遠離家逢高欲飲重陽  
酒山菊今朝未有花

別客

青山歷歷水悠悠今日相逢明日秋繫馬城邊楊柳  
樹為君沽酒暫淹留

法雄寺東樓

汾河舊宅今為寺猶有當時歌舞樓四十年來車馬

客古槐深巷暮蟬愁

隣婦哭征夫

雙鑲初合便分離萬里征夫不得隨今日軍迴身獨  
沒去時鞍馬別人騎

贈李司議

漢庭誰問投荒客十歲天南着白衣秋草茫茫思谿  
路嶺頭遙送北人歸

楊巨源一首

賦得灞岸柳留辭鄭員外

楊柳含烟灞岸春年年攀折為行人好風倘借低枝  
便莫遺青絲掃路塵

呂溫一首

道州送韋簡處士賀州謁楊侍郎

羸馬孤童鳥道微三千客散獨南歸山公念舊偏知  
我今日因君淚滿衣

李賀一首

酬答

雍州二月海池春御水鷓鴣暖白蘋試問酒旗歌板  
地今朝誰是拗花人

劉言史二首

樂府

花領紅駿一向偏綠槐香陌欲朝天仍嫌衆裏嬌行



疾傍輶深藏白玉鞭  
噴沫團香小柱條  
玉鞭兼賜霍嫖姚  
弄影便從天禁  
出碧蹄聲碎五門橋

陳羽一首

襄陽過浩然舊居

襄陽城郭春風起  
漢水東流去不還  
孟子死來江樹  
老烟霞猶在鹿門山

歐陽詹一首

塞上行

聞說胡兵欲利秋  
昨來投筆到營州  
驍雄已許將軍  
用邊塞無勞天子憂

沈亞之

題候仙亭

新剏仙亭覆石壇  
雕梁峻宇入雲端  
嶺北嘯猿高枕  
聽湖南山色捲簾看

杜牧一首

重到襄陽哭亡友章壽朋

故人墳樹五秋風  
伯道無兒跡更空  
重到笙歌分散  
地隔江吹笛月明中

許渾六首

學仙

心期仙訣意無窮  
彩畫雲車起壽宮  
聞有三山未知

處茂陵松柏蒲西風

旌儒廟

寒谷陰風萬古悲  
儒冠相枕死秦時  
廟前亦有商山路  
不學老翁歌紫芝

夜泊永樂有懷

蓮渚愁紅湯碧波  
吳娃齊唱採蓮歌  
橫塘一別千餘里  
蘆葦蕭蕭風雨多

題楞伽寺

碧烟秋寺沉湖來  
水浸城根古堞摧  
盡日傷心人不見  
石榴花滿舊歌臺

酬江西盧端公藍口阻風見寄之作

力筆從膺舟藍口  
風高桂楫留還似  
城中歌一夜來春  
雪照西樓

重別曾主簿時諸妓同餞

淚沿紅粉濕羅巾  
重繫蘭舟勸酒頻  
留却一枝河畔柳  
明朝猶有遠行人

趙嘏二首

漢陰亭樹

碧樹如烟覆晚波  
清秋欲盡客重過  
故園亦有如烟樹  
鴻鴈不來風雨多

聽蟬

噪蟬聲亂日初曛  
絃管樓中永不聞  
爭奈愁人數莖



鬢故園秋隔五湖雲

陳陶 六首

隴西行

漢主東封報太平無人金闕議邊兵縱饒奪得林胡  
塞磧地素麻種不生

隴戍三看塞草青樓前新替護羗兵同來死者傷離  
別一夜孤魂哭舊營

泉州刺桐花詠兼呈趙使君

海曲春深滿郡霞越人多種刺桐花可憐虎竹西樓  
色錦帳三千阿母家

不勝攀折悵年華紅樹南看見海涯故國春風歸去

盡何人堪寄一枝花

赤帝常聞海上遊三千幢蓋擁炎州今來樹似離宮  
色紅翠斜歌十二樓

雙桂詠

青冥結根易傾倒沃州山中雙樹好琉璃宮殿無斧  
聲石上蕭蕭伴僧老

溫庭筠 三首

楊柳枝

館娃宮外鄴城西遠映征帆近拂堤繫得王孫歸意  
切不關春草綠萋萋

重題端正樹

路傍佳樹碧雲愁  
曾侍金輿幸驛樓  
草木榮枯似人事  
綠陰寂寞漢陵秋

傷溫德彝

昔年戎虜犯榆關  
一破龍城疋馬還  
侯印不聞封李廣  
他人丘隴似天山

周朴一首

塞下曲

石國胡兒向磧東  
愛吹橫笛引秋風  
夜來雲雨皆飛盡  
月照平沙萬里空

吳融一首

水調

千里走黃沙  
浮殿西來動日華  
可道新聲定亡國  
且看惆悵後庭花

王駕一首

古意

夫戍蕭關妾在吳  
西風吹妾妾愛夫  
一行書信一行淚  
寒到君邊衣到無

韋莊一首

古別離

晴烟漠漠柳毵毵  
不那離情酒半酣  
更把玉鞭雲外指  
斷腸春色在江南

王貞白一首



折楊柳

水殿年年占早芳  
柔條風裏御爐香  
如今萬葉多巡狩  
釐路無陰綠草長

江為一首

塞上

萬里黃雲凍不飛  
磧烟烽火夜深微  
胡兒移帳寒笳絕  
雪路時聞探馬歸

已上係晚唐之詩

樂府七首

水調歌第二疊

猛將關西意氣多  
能騎駿馬弄調戈  
金鞍寶篋精神

出倚笛新翻水調歌

第四疊

龍頭一段氣長秋  
舉目蕭條揔是愁  
祗為征人多下淚  
年年添作斷腸流

入破第一疊

細草河邊一鴈飛  
苗龍關裏掛戎衣  
為受明王恩寵甚  
從事經年不復歸

第五疊

千年一遇聖明朝  
願對君王舞細腰  
乍可當熊任生死  
誰能伴鳳上雲霄

太和第三曲

庭前鵲迭相思樹井上鶯歌爭刺桐含情少婦悲春  
草多是良人學轉蓬

破陣樂

秋風四面足風沙塞外征人暫別家千里不特行路  
遠時光早晚到天涯

童謡乾符六年

八月無霜塞草青將軍騎馬步空城漢家天子西巡  
狩猶向江東更索兵

盧貞一首

楊柳枝

一樹依依在水豐兩枝飛去杳無蹤玉皇曾采人間

曲應逐歌聲入九重

王周一首

宿疎陂驛

秋染棠梨葉半紅荊州東望草平空誰知孤宦天涯  
意微雨蕭蕭古驛中

已上樂府等詩無名氏世次

唐詩品彙拾遺卷之四